

Намоздан олдин мисвок қилиш | Ҳадис дарслари (310-дарс)



19:00 / 04.12.2024 2618

هُنَعُ هَلَلَا يَضَرَّهٖ ذُحُّ نَع
هُلَلَا يَلَّصُّ بِبَنَلَا نَاكَ : لَاق
دَجَّهَتَيَلَمَاقِ اِذَا مَلَّسَ وَهَيَلَع
يَكَاوُسَلَابُ هَافُ صُوشَي

Ҳузайфа розияллоҳу анҳудан ривоят қилинади:

«Набий соллаллоҳу алайҳи васаллам кечаси Таҳажжуд намози учун турсалар, оғизларини мисвок билан ишқалар эдилар».

Шарҳ: Маълумки, уйқудан кейин одамнинг оғзи бемаза бўлиб, турли ҳид чиқиб туради. Шунинг учун уйқудан уйғонгач, оғизни тозалаш учун мисвок қилиб, кейин таҳажжуд намози ўқилгани маъқул.

هُلِّلَا يَضَرَّ سَوْمُ يَبَا نَع
يَبَّنْ لَأْتِيَتْ أَلَاقُ هُنَع
مَلَسَ وَهَيْلَعُ هَلِّلَا يَلَص
كَأَوْسَبُ نَتْسَي هُتْدَجَّ وَف
كَأَوْسَلَاوُ غُغُ لُوقَيِ هَدَيِب
غُغُ وَهَتَي هُنَّاكَ هَي ف ي ف
ي ذِمَّرْتَلَا أَلَا إِي سَمَّ خُلَا أُمُّ هَاوَر

Абу Мусо розияллоҳу анҳудан ривоят қилинади:

«Набий соллаллоҳу алайҳи васалламнинг ҳузурларига келсам, қўлларидаги мисвокни оғизларига солиб олиб, худди қайт қилаётганга ўхшаб, ў-ў-лаб мисвок қилаётган эканлар».

Бешовларидан фақат Термизий ривоят қилмаган.

Шарҳ: Бу ривоятда Пайғамбаримиз соллаллоҳу алайҳи васалламнинг тиш ва оғизларини жиддийлик билан яхшилаб, охирига етказиб тозалаш мақсадида мисвок қилишлари ҳақида сўз бормоқда. Биз ҳам

Пайғамбаримиз соллаллоҳу алайҳи васалламдан ўрнак олиб, тиш ва оғизларимизни тозалаб юришимиз мақсадга мувофиқдир.

هُلِّلَا يَضْرَعُ رِيْرَهُ يَبْأَنْعُ
هُلِّلَا يَلَّصَّ يَبْنَلَا نَعُ، هُنَّعُ
نَا الْوَلَّ: لَاقَ مَلَسَ وَهِيَ لَعُ
مُهُتَرَمُ أَلْ يَتَّمُ أَيْ لَعُ قُشَا
ةَ لَصَّ لُكَ دُنَعُ كَأَوْسَلَاب
ةَ سَمَخَلَا هَاوَرُ.

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Агар умматимга машаққат бўлишни ўйламаганимда, албатта, уларни ҳар намоздан олдин мисвок қилишга амр этган бўлур эдим», дедилар».

Бешовлари ривоят қилганлар.

Уламоларимиз ҳар намоздан олдин мисвок қилиш суннати муаккададир, деганлар. Бунга амал қилиб боришимиз лозим.

«Ҳадис ва ҳаёт» китобининг 4-жузи асосида тайёрланди.